

Cynhaliwyd cyfarfod o Gyngor Cymuned Talylychau yn Ysgol Gynradd Gymunedol Talylychau nos Fawrth, 3 Mawrth 2020, am 7.30pm.

Roedd yr aelodau canlynol yn bresennol: Cynghorwyr. Janine Roberts (Cadeirydd), Marged Bowen, John Williams, y Cynghorydd Sir Joseph Davies a Jane Morgan (Clerc). Ymddiheuriadau. Sarah Walters, Rhys Williams, Eifion Roberts.

Ni nodwyd unrhyw Ddatganiadau o Fuddiant.

Roedd Rhys Williams ac Eifion Roberts wedi llenwi'r ffurflen i optio allan.

Cytunwyd bod cofnodion y cyfarfod blaenorol yn gywir.

Diolchodd Janine Roberts i Sarah Walters am gymryd y Gadair yn ei habsenoldeb yn y cyfarfod y mis diwethaf.

Materion sy'n codi.

Hysbysiad ynghylch sedd wag. Roedd Steve Haines wedi derbyn ei sedd fel Cynghorydd. Roedd angen llenwi Ffurflen Datganiad Derbyn Swydd a'i hanfon, ynghyd ag enw a chyfeiriad a'r manylion cyswllt a ffefrir, i Gyngor Sir Caerfyrddin.

Cafwyd cadarnhad gan Eisteddfod Genedlaethol Urdd Gobaith Cymru Sir Gaerfyrddin 2021 ar gyfer taliad o £300.00. Byddai tlysau yn cael eu dyfarnu i'r cystadlaethau canlynol: Parti Deusain Bl 6 ac iau. Grŵp Llefaru Bl 10 a dan 19 oed. Unawd Telyn Bl 6 ac iau.

Y ffordd rhwng y fynedfa i Fferm Bryngwyn a'r fynedfa i Fferm Abernant. Dywedodd y Cynghorydd Sir Joseph Davies fod y Gyngor Sir yn ymwybodol o'r broblem.

Ras Hwyl Talylychau. Dywedodd y Cadeirydd fod Sarah Walters wedi siarad â David Thomas, y trefnydd, a gadarnhaodd na fyddai'r Ras Hwyl yn cael ei chynnal eleni.

Y Cinio Blynnyddol. Cytunwyd y dylid cynnal y Cinio Blynnyddol ddydd Gwener 24 Ebrill, 2020 yn nhafarn y College, Derwydd.

Treuliau'r Clerc. Rhoddwyd copi o'r treuliau i'r Cynghorwyr, a chafwyd trafodaeth yn eu cylch. Cytunwyd i dalu £86.67.

Gohebiaeth.

Cytunwyd ar y Balans. 24.01.2020 £4,660.80. 28.02.2020. £3,935.16.

Cytunwyd i dalu'r canlynol:

Cyflog y Clerc, J. Morgan: £152.46.

Cyllid a Thollau Ei Mawrhydi £38.20.

Aelodaeth Un Llais Cymru £80.00.

Swyddfa Archwilio Cymru £220.75.

Cyngor Sir Gaerfyrddin. Llogi'r ysgol ar gyfer cyfarfodydd Ebrill 2019-Mawrth 2020 £110.00.

Dosbarthwyd a thrafodwyd yr ohebiaeth ganlynol:

Amserlen Flynyddol o Gamau Gweithredu Ariannol. Canllaw syml ar gyfer Cynghorau Cymunedol Bach i Ganolig.

Roedd cardiau/llythyrau o ddiolch wedi dod i law gan y canlynol: CFFI Llandeilo, Y Lloffwr, Clwb Cinio Talylychau a Llansawel ac Ambiwllans Awyr Cymru.

Zurich Municipal. Diolch am y taliad a ddaeth i law a bod y polisi'n weithredol o 2 Mawrth 2020.

"Pecynnau Dechreuol" Lleoedd Lleol ar gyfer Natur. Cytunwyd y dylai'r Clerc wneud ymholiadau.

Cafwyd adroddiad ar gyfer Mast Telathrebu 4G. Cytunwyd y dylai'r Clerc holi a fyddai'n bosibl i bob Cynghorydd, gan gynnwys y Cynghorydd Sir Joseph Davies, gael copi o'r adroddiad.

Clerks & Councils Direct.

Cynllunio.

Llythyr gan Gyngor Sir Caerfyrddin ynghylch: Estyniad i'r cyfnod ymgynghori ynghylch Cynllun Datblygu Diwygiedig Adnau Sir Gaerfyrddin 2018-2033. Dylid cyflwyno sylwadau yn ysgrifenedig, gan ddefnyddio ein hoffer ymgynghori ar-lein os yn bosibl, erbyn 4.30pm ddydd Gwener 27 Mawrth 2020 fan bellaf.

Cynllunio E/40276 Tegfan, Talylychau, Diwygiad Ansylweddol i E/39518. Ni wnaed unrhyw sylwadau.

Cais E/40306 Hysbysiad Blaenorol – Telathrebu. Gosod Mast Delltog 20M o uchder ar sylfaen goncrit, sy'n cynnwys 2 Antena a 2 Ddysgl Trawsyrriu 600MM ar gyfer Rhwydwaith Gwasanaethau Brys EE. Tir i'r Gogledd o Flaenig Uchaf, Talylychau ar gyfer EE Limited.

Cytunwyd i anfon ateb fel a ganlyn. Gwrthwynebir y cais hwn yn unfrydol am y rhesymau a ganlyn: O fewn golwg i Ardal Gadwraeth. Nid yw'n gweddu i'r ardal. Mae yna Henebion yn yr ardal. Agosrwydd at Ysgol ac eiddo preswyl, a phryder ynghylch y risg i iechyd.

Nid oedd unrhyw fusnes arall a daeth y cyfarfod i ben tua 10.10pm.

Cynhelir y cyfarfod nesaf nos Fawrth 7 Ebrill 2020 am 7.30pm.